





余年来杜門無事好展玩前賢著述  
藉以收束身心掃除塵俗如呂郭等  
呻吟語陸清獻讀禮志疑以及在客可  
中丞三江水利紀略等書皆家有虎  
及覆帛訂期無訛舛自維謗陋何足  
以表章前哲遺書但就目之所見心

之所喜益以友人所貽前人雜著時賢  
詩集隨時錄取共得七十餘種付刊  
成帙藏板書三味樓時取而觀之  
并以示我子弟非敢謂有補於世也所  
以誌我所好而已今春客有以姜白石  
詞集六卷見示係當湖宗老漁於老

漁与姚微士菴香齋定原刻惜其舊  
板漫漶流傳甚少次見鴻卓好倚聲  
之學因命其重加校勘付諸剞劂白  
石詞世稱難得竹垞詞綜僅云五卷  
則此集或未之見尔未可知此幸搜  
羅完備洵足為藝林之寶他日有好

事者傳之通都於有井水處歌  
之則余之固陋得藉白石老仙以  
傳豈非厚幸也夫

嘉慶二十五年歲次庚辰七月既

望

華亭張應時謹書

宋白石老仙世所稱詞壇大宗也亦樞自總角時  
即喜誦其小令既讀竹垞朱氏詞綜及黑蝶齋詩  
餘序俱云白石詞凡五卷世已無傳傳者僅數十  
闕蓋竹垞亦未見全書矣壬子春客都門與周子  
畊餘過澹慮汪君邸舍見案頭有白石道人歌曲  
六卷別集一卷係陶南邨手抄本而樓觀察敬思  
所珍藏者澹慮爲誦異書渾似借荊州之句意頗  
矜之因共襄錄副加按讐焉嗣是南北分馳居諸  
荏苒迨戊午秋而澹慮云亡畊餘以抄本屬子顧  
自維雖好倚聲未諧音律質之黃宮允唐堂厲孝  
廉樊榭陸大令恬浦先後重加點勘而與姚徵士

鱸香商定付諸梓噫以前輩之博雅蒐輯不遺餘力猶且殘闕爲恨余生也晚乃獲出而表音之俾數百年收藏墨寶一旦流傳蕪苑其愉快當何如邪抑未審竹垞所云五卷與今本有異同否邪惜乎刻甫竣而畊餘又作道山遊末由起而欣賞之乾隆己巳中秋漁邨老鮒張弈樞書於松桂讀書堂南唵舫

白石道人歌曲目錄

卷之一

皇朝鏡歌鼓吹曲十四首

琴曲一首

卷之二

越九歌十首

帝舜

王禹

越王

越相

項王

濤之神

曹娥

龐將軍

旌忠

蔡孝子

卷之三

令

小重山

江梅引

驀山溪

鶯聲繞紅樓

鬲溪梅令

阮郎歸二首

好事近

點絳脣二首

巫山十二峰二首憶王孫

少年遊

鷓鴣天七首

夜行船

杏花天影

醉吟商小品

玉梅令

踏莎行

訴衷情

浣溪沙六首

卷之四

慢

霓裳中序第一

慶宮春

齊天樂

滿江紅

一萼紅

念奴嬌二首

眉嫵

月下笛

清波引

法曲獻仙音

琵琶仙

玲瓏四犯此曲雙調世別有大石調一曲

側犯

水龍吟

探春慢

八歸

解連環

喜遷鶯

摸魚兒

卷之五

自度曲

揚州慢

長亭怨慢

淡黃柳

石湖仙

暗香

疎影

惜紅衣

角招

徵招

卷之六

自製曲

秋宵吟

淒涼犯

翠樓吟

湘月

白石道人歌曲目錄終

白石道人歌曲卷第一

番易姜夔堯章著

後學張應時松華重校

聖宋鐃歌吹曲十四首

慶元五年青龍在己亥番易民姜夔頓首上  
尚書臣聞鐃歌者漢樂也殿前謂之鼓吹軍  
中謂之騎吹其曲有朱鷺等二十二篇由漢  
逮隋承用不替雖名數不同而樂紀罔墜各  
以詠歌祖宗功業唐亡鐃部有柳宗元作十  
二篇亦棄弗錄神宗受命帝績皇烈少耀震  
動而逸典未舉迺政和七年臣工以請上詔



製用中更否擾聲文罔傳中興文儒荐有擬  
述不麗於樂厥誼不昭臣今製曲詞十四首  
昧死以獻臣若稽前代鐃歌咸敘威武衎人  
之軍屠人之國以得土疆乃矜厥能惟我太  
祖太宗真仁高宗或取或守罔匪仁術討者  
弗戮執者弗劉仁融義安歷數彌永故臣斯  
文特倡盛德其辭舒和與前作異臣又惟宋  
因唐度古曲墜逸鼓吹所錄惟存三篇譜文  
乖訛因事製辭曰導引曲十二時六州歌頭  
皆用羽調音節悲促而登封岱宗郊祀天地  
見廟耕藉帝后冊寶發引升祔五禮殊情樂

不異曲義理未究乞詔有司取臣之詩協其  
清濁被之簫管俾聲暢辭達感藏人心永念  
宋德無有紀極海內稱幸臣夔頓首上尚書  
上帝命太祖受命也五季亂極人心戴宋  
太祖無心而得天下也

上帝命惟皇皇倣作宋祚五王不綱陳橋之夕帝  
服自黃維帝念民維民念靖八絃一春不曰予聖  
璇題玉除龍路孔蓋得之非心遜亦云易有弟聖  
賢我祚萬年十世之後乃復其天

河之表破澤州也李筠不知天命自憑其  
勇不能降心以至於叛而死也

河之表曰上黨彼耽耽踞奧壤交輶百斤不如一  
仁撥汗千里莫能脫身帝整其旅疇曰汝武心飛  
太行膽落戰鼓

淮海濁定維揚也李重進自謂周大臣不  
屈於太祖作鐵券以安之猶據鎮叛

淮海濁老將戾帝心堯舜信在券外汝胡弗思與  
越豨輩皇威壓之燕壘自碎維宋佐命維周碩臣  
汝獨狐疑用殲厥身

沅之上取湖南也湖南有難乞援於我至  
則拒焉我師取之

沅之上故王都今焉在空雲蕪勢危則嘯勢謐則

叛背子德心繫爾作難東屈巴丘西盡九疑蠻師  
委伏願還耕犁峒峒鎮山大德之紀真人方興百  
神仰止

皇威暢得荊州也我師救湖南道荊州高  
繼冲懼歸其土

皇威暢附庸讐渚宮三月青州發漢家旌旗繞城  
堞小臣不敢煩天威再拜敢以荊州歸帝得荊州  
不爲喜百萬愁鱗濯春水

蜀山邃取蜀也孟昶恃其國險且結河東  
以拒命兵加國除

蜀山邃蜀主肆謂當萬年不亮天意帝曰全斌汝

征自秦關門不守吏啼白雲帝曰光誼汝征自峽  
瞿塘反波助我肆伐蜀人號呼乞生于師蜀囚素  
衣天子憐之

時雨霈取廣南也劉鋹淫虐我師弔其民  
俘鋹以歸

時雨霈旱火絕聖人出虐政滅五嶺之君盲風恠  
雲毒蛇臻臻相其不仁南兵象陳自謂孔武有獻  
在廟僞臣僞主降者榮之叛者生之將不若是彼  
死爭之十僞之夷一用此道天祐烈祖仁以易暴  
望鍾山下江南也李煜乍臣乍叛勢窮以  
降而我師未嘗戮一人也

望鍾山睇楊子波湯湯雲靡靡主歌臣謠樂未已  
詔書屢下不爲起釣絲夜緯匪魴鯉長虹西徠波  
可履嗚呼憑凌果何恃辯士疾馳拜前陛曰臣有  
罪當萬死帝曰盍歸予宥爾我師入其都矢不踐  
螻蟻至今鍾山雲猶帶仁義氣

大哉仁吳越錢俶獻其國也

大哉仁萬世輔后皇明明監于下俶若曰亶爲民  
封殖一姓吁不仁瞻彼日月爝火敢出震震皇皇  
帝命是式吏其稅租府其版圖爾豈固負俾民作  
俘維宋之仁中天建國吳山越濤衛我帝宅維俶  
之仁世世麗澤子孫來朝車馬玉帛

謳歌歸陳進洪以漳泉來獻也

謳歌歸兮四海一強國潰兮弱國入彼無諸兮計將安出天不震兮民不荼象齒貢兮沉水輸保室家兮長娛娛

伐功繼克河東也始太祖之伐河東誓不殺一人又哀劉氏之不祀故緩取之至太宗始得其地

伐功繼吁以時烈祖有造太宗濟之河東雖微方命再世河東雖強卒奪其帥惟漢之葉保于此都烈祖念汝乃貸未鉏一夫殘生帝也不取雨露既洽河東自舉河東既平九有以寧嗚呼太宗繼伐

有聲

帝臨墉親征契丹於澶淵也

帝臨墉六師厲胡如雲暗九地帝曰吁胡傲予準曰帝毋庸虞晉之謝胡宅夏驕弗懲薄茲野我謀臧我武揚帝在茲胡且亡椎虞機激流矢一首什萬胡靡勝不戰惟唐虞魄斯禡焚穹廬帝曰吁棄汝過粵明年使來賀

維四葉美致治也

維四葉聖承烈羣生熙德施浹吁嗟仁兮帝垂衣淡無爲日月出照玉墀吁嗟仁兮帝乘輅六龍舞神示下繹鐘鼓吁嗟仁兮周八區耆以醇稼如海

桑如雲吁嗟仁兮

炎精復歌中興也

炎精復天馬度人漢思狄爲懼洛水深深漠雲陰  
陰維帝傷心帝心激烈將蹀胡血天地動色惟哀  
盡劉馳使之輶包將之矛皇基再峙有統有紀施  
于孫子天疇帝仁適符夢靈適臻太平

琴曲

側商調

琴七絃散聲具宮商角徵羽者爲正弄慢  
角清商宮調慢宮黃鍾調是也加變宮變  
徵爲散聲者曰側弄側楚側蜀側商是也  
側商之調久亡唐人詩云側商調裏唱伊  
州予以此語尋之伊州大食調黃鍾律法  
之商乃以慢角轉弦取變宮變徵散聲此  
調甚流美也蓋慢角乃黃鍾之正側商乃  
黃鍾之側它言側者同此然非三代之聲  
乃漢燕樂爾予旣得此調因製品弦法并





孰耕孰漁勿忘惠康疇匪帝餘 博碩于俎維錯

蕤姑姑太黃姑蕤林黃清黃

于豆瑤灑玉離侑此桂酒

右帝舜楚調

林南林仲夾林南無黃林仲夾

登崇上懷美功窈窕在雲其濛 享維德輯萬國

無南林夾仲林 仲太黃夾仲林無黃太黃清清清南無

轍轆轆蹇時宅 珠為橈玉為車報我則腆不當

南林 仲夾林仲太黃林仲林無南林黃太黃清清清林

厥拘 王旆返風偃偃山鳥呼觚稜晚豐子謏菲

仲夾

可薦

右王禹吳調

夾鍾宮

黃太黃 南林南姑太黃南無黃清清清 姑南太黃清清 無南

雲蒼涼山截障瞻靈旗闖越絕 故宮淒淒生綠

林姑太姑黃姑太姑林南太黃清清 無南太黃清清

蕪謀臣安在空五湖酌君君毋西入吳 洪濤卷

黃無南林南林南黃姑太姑林南太黃清清 清林黃太黃清清

地龍工呼函堅操剡何睢盱彼茁竹箭楊梅朱

無南林姑無林南仲姑太姑林姑太黃清黃

壺觴有酌繁有魚于春萬春勿忘此故都

右越王越調

無射商



應清黃應南蕤應南應太應南蕤姑太黃太太南

淒其我思永矢弗遊鳧曰予肖以盪與鏐載尸

載南太蕤南應太應南蕤姑太黃太

載謁子惠思越翩其來而乘濤駕月

右越相側商調 黃鍾商

無清黃無仲太仲南林仲林太黃無林南林仲無太

民荼羸天紀瀆羣雄橫徂君逐鹿博懸於投匪智

姑太 仲太仲林太黃無太仲林南林無太仲無

伊福 或肉以昌或芥以亡謂予復歸有如大江

仲太仲林太黃無太仲林南林南無黃太 仲

我無君尤君胡我慊亦有子孫在阿在崦 靈

太仲林無太黃無清清

兮歸來築宮崔嵬

右項王古平調 無射宮

林仲清黃無南林仲太黃林仲夾仲南林仲南黃太

海門碧兮崔嵬潭上去兮潭下來予乘舟兮遲女

仲太夾仲林仲 林仲黃太仲南黃太黃清清南林仲

目屢眩兮漚飛 白馬駛兮素繆舞驅銀山兮壘

林南黃太仲太夾太黃無南林仲太夾仲 南黃

萬鼓汨予從天兮南逝經西陵兮掠魚浦 夫在

太仲黃太仲南林仲南黃太黃南林南黃夾太黃

舶兮婦在房風浩浩兮波茫茫瀝予酒兮神龍府

林仲黃太仲林仲

我征至今無所苦

右濤之神雙調

仲夾仲清黃林夷清清清林仲夾仲太夾太黃夾林

玉副筭錦結襜含清揚兮鬱翠眉嚶嚶歌兮有待

夷黃夾仲折字仲黃太黃清清清無夷清黃仲太夾太黃夾

柳屢舞兮傲傲昔何止兮水湄今何徵兮未來

仲夾仲林清黃無黃夷黃夾仲仲折字仲黃太黃清清清夷

吾無欲兮女之佩羌猶豫兮而裴回黃頭兮呼

清黃仲太夾太黃仲夾仲林夷仲夾仲折字仲仲夾

風旗尾兮栩栩潮枯兮汝遲將子兮無怒舟去

黃林夷林仲太夾仲

兮人歸花落兮鳥啼

右曹娥蜀側調

夷則羽

應南應清太太姑應林蕤姑折字姑應折字應林南應

鞭卧龍躍鏡浦靈之來噎如雨環玉廂翠續紛

蕤林蕤姑太姑南應折字應南應南林蕤姑蕤林

靈之逝靡出雲我行其野有穉有稌入其闈閣

太蕤太姑南應折字應林南林應折字應南林太蕤

載歌載舞被我家室曰予父母高田萊蕪下田

太姑南應折應蕤林南應南清太太姑折字姑

寫鹵爾澤母三爾煦母五益嚴祀其終古

右龐將軍高平調

林鍾羽

夷南夷蕤夾姑蕤夾夷南夷蕤夾折夾夷蕤夾蕤

師環城兮鳥不度萬夫投戈兮子獨武車轍厲兮

姑夾大蕤夷蕤清太應清太應清太應南夷蕤夷夾蕤

螳螂心抗予義兮出行伍 詩書發冢兮嗟彼僮

夷夾南夷蕤夾夷應夾折夾夾南夷蕤姑夾大應

父父老死兮後生莫知其故廟無人兮鼠穴堵歌

太應夷蕤夷應

予詩兮詔萬古

右旌忠中管商調

南呂商

無太黃無林夷無無夷林仲仲夾仲黃太黃清無大

愛予親兮保予體將臨淵兮髮上指予青衿兮父

夾仲夷無夷林仲夷無折無太黃無黃無夷無

為史不如緹縈兮鬱陶以死 豺為政兮吾已矣

太夷林仲太夾仲無太黃無夷林仲夾仲夾太無

望齋淪兮倏而逝卧龍山兮若耶水靈不歸兮父

折無太黃無林夷無無夷林仲大夾仲夷無

思子 雨鳴荷兮風入葦若伊優兮泣未已率我

太黃無仲夷黃無夷折無

子兮與弟屋陽阿兮招爾

右蔡孝子中管般瞻調 大呂羽

古今譜法

合而四下一上勾尺王工瓦凡六五五五

黃大太夾姑仲蕤林夷南無應黃大太夾  
清清清清

折字法

箎笛有折字假如上折字下無字即其聲比無字微高餘皆以下字為準金石弦匏無折字取同聲代之

白石道人歌曲卷第二

白石道人歌曲卷第三

曹易妻 蝶夢草著 後學張應時松華重校

令

小重山令

賦潭州紅梅

人繞湘臯月墜時斜橫花樹小浸愁漪一春幽事有誰知東風冷香遠茜裙歸鷗去昔遊非遙憐花可可梦依依九疑雲杳斷魂啼相思血都沁綠筠枝

江梅引

丙辰之冬予留梁谿將詣淮而不得因  
夢思以述志

人間離別易多時見梅枝忽相思幾度小窗幽夢  
手同攜今夜夢中無覓處漫裴回寒侵被尚未知  
溼紅恨墨淺封題寶箏空無雁飛俊遊巷陌算  
空有古木斜暉舊約扁舟心事已成非歌罷淮南  
春艸賦又萋萋漂零客淚滿衣

驀山溪

題錢氏溪月

與鷗爲客綠野留吟屐兩行柳垂陰是當日仙翁  
手植一亭寂寞烟外帶秋橫荷冉冉展涼雲橫卧

虹千尺才因老盡秀句君休覓萬綠正迷人更  
秋入山陽夜笛百年心事唯有玉欄知吟未了放  
船回月下空相憶

鶯聲繞紅樓

甲寅春平甫與予自越來吳攜家妓觀  
梅於孤山之西邨命國工吹笛妓皆以  
柳黃爲衣

十畝梅花作雪飛冷香下攜手多時兩年不到斷  
橋西長笛爲予吹人如垂楊綠春風爲染作仙  
衣垂楊卻又如腰肢近平聲前舞絲絲

鬲溪梅令

仙呂調

丙辰冬自無錫歸作此寓意

好花不與殢香人  
浪粼粼又恐春風歸去綠成陰  
玉鈿何處尋  
木蘭雙槳夢中雲  
小橫陳謾向孤  
山山下覓盈盈翠禽啼一春

阮郎歸

為張平甫壽是日同宿湖西定香寺

紅雲低壓碧玻璃  
惺惚花上啼  
靜看樓角拂長枝  
朝寒吹翠眉  
休涉筆且裁詩  
年年風絮時  
繡衣

夜半艸符移月中雙槳歸

又

旌陽宮殿昔裴回  
一壇雲葉垂  
與君閑看壁間題  
夜涼笙鶴期  
茅店酒壽君時  
老楓臨路岐  
年年  
強健得追隨  
名山遊遍歸

好事近

賦茉莉

涼夜摘花鈿  
萼萼動搖雲  
綠金絡一團香露正  
紗厨人獨  
朝來碧縷放長穿  
釵頭星層玉  
記得如今時  
候正荔枝初熟

點絳脣

丁未冬過吳松作

燕雁無心大湖西畔隨雲去數峰清苦商略黃昏  
雨 第四橋邊擬共天隨住今何許凭闌懷古殘  
柳參差舞

又

金谷人歸綠楊低掃吹笙道數聲啼鳥也學相思  
調 月落潮生掇送劉郎老淮南好甚時重到陌  
上生春草

虞美人

賦牡丹

西園曾爲梅花醉葉剪春雲細玉笙涼夜隔簾吹

卧看花稍搖動一枝枝

娉娉嫋嫋教誰惜空壓

紗巾側沉香亭北又青苔唯有當時蝴蝶自飛來

又

摩挲紫蓋峰頭石下瞰蒼厓立玉盤搖動半厓花  
花樹扶疎一半白雲遮 盈盈相望無由摘惆悵  
歸來屐而今仙迹杳難尋那日青樓曾見似花人

憶王孫

番易彭氏小樓作

冷紅葉葉下塘秋長與行雲共一舟零落江南不  
自由兩綢繆料得吟鸞夜夜愁

少年行

戲平父

雙螺未合雙娥先斂家在碧雲西別母情懷隨郎  
滋味桃葉渡江時扁舟載了匆匆歸去今夜泊  
前谿楊柳津頭梨花墻外心事兩人知

鷓鴣天

已酉之秋苕溪記所見

京洛風流絕代人因何風絮落谿津籠鞋淺出鴉  
頭鞵知是凌波縹緲身紅乍笑綠長嘯與誰同  
度可憐春鴛鴦獨宿何曾慣化作西樓一縷雲

又

予與張平父自南昌同遊西山玉隆宮

止宿而返蓋乙卯三月十四日也是日  
即平父初度因買酒茅舍竝坐古楓下  
古楓旌陽在時物也旌陽嘗以草屨懸  
其上土人謂屨爲屨因名曰挂屨楓蒼  
山四圍平野盡綠萬澗野花紅白照影  
可喜使人採擷以藤糾纏著楓上少焉  
月出大於黃金盆逸興橫生遂成痛飲  
午夜乃寢明年平父初度欲治舟往封  
禺松竹間念此遊之不可再也歌以壽  
之

曾共君侯歷聘來去年今日踏莓苔旌陽宅裡踈



白石道人歌曲卷三  
疎磬挂孺楓前草草杯呼煮酒摘青梅今年官  
事莫徘徊移家徑入藍田縣急急船頭打鼓催

又

丁巳元日

柏綠椒紅事事新  
馬籬燈影賀年人  
三茅鍾動西  
牕曉詩髮無端又一春  
慵對客緩開門  
梅花開  
伴老來身嬌兒學作人間字  
鬱壘神荼寫未真

又

正月十一日觀燈

巷陌風光縱賞時  
籠紗未出馬先嘶  
白頭居士無  
呵殿只有乘肩小女隨  
花滿市月侵衣  
少年情

事尤來悲沙河塘上春寒淺  
看了遊人緩緩歸

又

元夕不出

一昨天堦預賞時  
柳慳梅小未教知  
而今正是歡  
遊夕卻怕春寒自掩扉  
簾寂寂月低低  
舊情惟  
有絳都詞芙蓉影暗三更後  
卧聽鄰娃笑語歸

又

元夕有所夢

肥水東流無盡期  
當初不合種相思  
夢中未比丹青見  
暗裏忽驚山鳥啼  
春未綠髮先絲  
人間別  
久不成悲  
誰教歲歲紅蓮夜  
兩處沉吟各自知

又

十六夜出

輦路珠簾兩行垂千枝銀燭舞傲傲東風歷歷紅樓下誰識三生杜牧之歡正好夜何其明朝春過小桃枝鼓聲漸遠遊人散惆悵歸來有月知

夜行船

已酉歲寓吳興同田幾道尋梅北山沈氏圃載雪而歸

略約橫溪人不度聽流澌佩環無數屋角垂枝船頭生影算唯有春知處回首江南天欲暮折寒香倩誰傳語玉笛無聲詩人有句花休道輕分付

杏花天影

丙午之冬發沔口丁未正月二日道金陵北望淮楚風日清淑小舟挂席容與波上

綠絲低拂鴛鴦浦想桃葉當時喚渡又將愁眼與  
春風待去倚蘭橈更少駐金陵路鶯吟燕舞算  
潮水知人最苦滿汀芳艸不成歸日暮更移舟向  
少介

甚處

醉吟商小品

石湖老人謂予云琵琶有四曲今不傳矣曰護索一曰梁州轉關綠腰醉吟商湖渭州歷弦薄媚也予每念之辛亥之夏予謁楊廷秀丈於金陵邸中遇琵琶工解作醉吟商湖渭州因求得品弦法譯成此譜實雙聲耳

又正是春歸細柳暗黃千縷暮雅啼處 夢逐金

鞍去一點芳心休訴琵琶解語

玉梅令 高平調

石湖家自製此聲未有語實之命予作

石湖宅南葛河有圃曰范邨梅開雪落竹院深靜而石湖畏寒不出故戲及之

疎疎雪片散入溪南苑春寒鎖舊家亭館有玉梅  
幾樹背立怨東風高花未吐暗香已遠 公來領  
客梅花能勸花長好願公更健便揉春為酒剪雪

人々一人つ么々人々可  
作新詩拚一日繞花千轉

踏莎行

自沔東來丁未元日至金陵江上感夢  
而作

燕燕輕盈鶯鶯嬌軟分明又向華胥見夜長爭得  
薄情知春初早被相思染別後書詞別時針線  
離魂暗逐郎行遠淮南皓月冷千山冥冥歸去無  
人管

訴衷情

端午宿合路

石榴一樹浸溪紅零落小橋東五日淒涼心事山  
雨打船篷諳世味楚人弓莫冲冲白頭行客不  
採蘋花孤負薰風

浣溪沙

予女須家沔之山陽左白湖右雲夢春  
水方生浸數千里冬寒沙露衰艸入雲  
丙午之秋予與安甥或蕩舟採菱或舉  
火置兔或觀魚簞下山行野吟自適其  
適馮虛悵望因賦是闋

着酒行行滿袂風艸枯霜鶻落晴空銷魂多在夕  
陽中悵入四弦人欲老夢尋千驛意難通當時

何似莫匆匆

又

已酉歲客吳興收燈夜闔戶無聊俞商卿呼之不出因記所見

春點踈梅雨後枝剪燈心事峭寒時市橋攜手步  
遲遲 蜜炬來時人更好玉笙吹徹夜何其東風  
落靨不成歸

又

辛亥正月二十四日發合肥

釵燕籠雲晚不忺擬將裙帶繫郎船別離滋味又  
今年 柳夜寒猶自舞鴛鴦風急不成眠些兒

夢

又

丙辰歲不盡五日吳松作

雁怯重雲不肯啼畫船愁過石塘西打頭風浪惡  
禁持 春浦漸生迎棹綠小梅應長亞門枝一年  
燈火要人歸

又

丙辰臘與俞商卿銛朴翁同寓新安溪舍得臘花韻甚賦二首

花裏春風未覺時美人呵蕊綴橫枝萬簾飛過蜜  
蜂兒 書寄嶺頭封不到影浮杯面悞人吹寂寥

白石道人歌曲卷三  
十  
惟有夜寒知

又

剪剪寒花小更垂阿瓊愁裏弄粧遲東風燒燭夜深歸  
落蕊半粘釵上燕露黃斜映髮邊犀老夫無味已多時

白石道人歌曲卷第三

白石道人歌曲卷第四

番易姜夔堯章著 後學張應時松華重校

慢

霓裳中序第一

丙午歲留長沙登祝融因得其祠神之  
曲曰黃帝鹽蘇合香又於樂工故書中  
得商調霓裳曲十八闋皆虛譜無詞按  
沈氏樂律霓裳道調此乃商調樂天詩  
云散序六闋此特兩闋未知孰是然音  
節閑雅不類今曲子不暇盡作中序



卮酒不能支村翁以衾自纏猶相與行  
吟因賦此闕蓋過旬塗橐乃定村翁咎  
予無益然意所耽不能自己也平甫商  
卿朴翁皆工於詩所出奇詭予亦強追  
逐之此行既歸各得五十餘解  
雙槩蕩波一蓑松雨暮愁漸滿空濶呼我盟鷗翩  
翩欲下背人還過木末那回歸去蕩雲雪孤舟夜  
發傷心重見依約眉山黛痕低壓 采香逕裏春  
寒老子婆娑自歌誰答垂虹西望飄然引去此興  
平生難遏酒醒波遠政疑想明璫素襪如今安在  
唯有闌干伴人一霎

齊天樂

丙辰歲與張功父會飲張達可之堂聞  
屋壁間蟋蟀有聲功父約予同賦以授  
歌者功父先成詞甚美予裴回末利花  
間仰見秋月頓起幽思尋亦得此蟋蟀  
中都呼爲促織善鬪好事者或以三二  
十萬錢致一枚鏤象齒爲樓觀以貯之  
庾郎先自吟愁賦淒淒更聞私語露濕銅鋪苔侵  
石井都是曾聽伊處哀音似訴正思婦無眠起尋  
機杼曲曲屏山夜涼獨自甚情緒 西窗又吹暗  
雨爲誰頻斷續相和碁杵侯館吟秋離宮弔月別



有傷心無數  
幽詩謾與笑  
籬落呼燈  
世間兒女寫  
入琴絲一聲聲更苦

宣政間有士大夫製蟋蟀吟

### 滿江紅

滿江紅舊詞用仄韻多不協律如末句云無心撲三字歌者將心字融入去聲方諧音律予欲以平韻爲之久不能成因汎巢湖聞遠岸簫鼓聲問之舟師云居人爲此湖神姥壽也予因祝曰得一席風徑至居巢當以平韻滿江紅爲迎送神曲言訖風與筆俱駛頃刻而成末句云聞佩環則協律矣書以綠箋沉於

白浪辛亥正月晦也是歲六月復過祠下因刻之柱間有客來自居巢云土人祠姥輒能歌此詞按曹操至濡須口孫權遺操書曰春水方生公宜速去操曰孫權不欺孤乃徹軍還濡須口與東關相近江湖水之所出入予意春水方生必有司之者故歸其功於姥云

仙姥來時正一望千頃翠瀾旌旗共亂雲俱下依

約前山命駕羣龍金作軌相從諸娣玉爲冠

廟中列坐

如夫人者十三人

向夜深風定悄無人聞佩環

神奇處

君試看莫淮右阻江南遣六丁雷電別守東關却

笑英雄無好手一篙春水走曹瞞又怎知人在小  
紅樓簾影間

一萼紅

丙午人日子客長沙別駕之觀政堂堂  
下曲沼沼西負古垣有盧橘幽篁一徑  
深曲穿徑而南官梅數十株如椒如菽  
或紅破白露枝影扶疎着屐蒼苔細石  
間野興橫生亟命駕登定王臺亂湘流  
入麓山湘雲低昂湘波容與興盡悲來  
醉吟成調

古城陰有官梅幾許紅萼未宜簪池面冰膠牆罨  
雪老雲意還又沉沉翠藤共閑穿徑竹漸笑語驚  
起卧沙禽野老林泉故王臺榭呼喚登臨南去  
北來何事蕩湘雲楚水目極傷心朱戶黏雞金盤  
簇燕空歎時序侵尋記曾共西樓雅集想垂楊還  
裊萬絲金待得歸鞍到時只怕春深

念奴嬌

予客武陵湖北憲治在焉古城野水喬  
木叅天子與二三友日蕩舟其間薄荷  
花而飲意象幽閑不類人境秋水且涸  
荷葉出地尋丈因列坐其下上不見日  
清風徐來綠雲自動間於踈處窺見遊

人畫船亦一樂也。竭來吳興數得相羊  
荷花中。又夜泛西湖，景奇絕，故以此  
句寫之。

開紅一舸，記來時常與鴛鴦爲侶。三十六陂人未  
到，水佩風裳無數。翠葉吹涼，玉容銷酒，更灑菰蒲  
雨。嫣然搖動，冷香飛上詩句。日暮青蓋亭亭，情  
人不見，爭忍凌波去。只恐舞衣寒易落，愁入西風  
南浦。高柳垂陰，老魚吹浪，留我花間住。田田多少，  
幾回沙際歸路。

又

謝人惠竹榻

楚山修竹，白涓涓不受人間袪暑。我醉欲眠，伊伴  
我一枕涼生，如許。象齒爲材，花藤作面，終是無真  
趣。梅風吹溽，此君直恁清苦。須信下榻殷勤，脩  
然成夢，夢與秋相遇。翠袖佳人來共看，漠漠風煙  
千畝。蕉葉牕紗，荷花池館，別有留人處。此時歸去，  
爲君聽盡秋雨。

眉嫵 一名百宜嬌

戲仲遠

看垂楊連苑，杜若侵沙，愁損未歸眼。信馬青樓去，  
重簾下，娉婷人妙。飛燕翠樽共款，聽豔歌郎意先。  
感便攜手，月地雲階，裡愛良夜微暖。無限風流

疎散有暗藏弓履偷寄香翰明日聞津鼓湘江上  
催人還解春纜亂紅萬點悵斷魂煙水遙遠又爭  
似相攜乘一舸鎮長見

月下笛

與客攜壺梅花過了夜來風雨幽禽自語啄香心  
度墻去春衣多是柔荑剪尚沾惹殘茸半縷悵玉  
鈿侶掃朱門深閉再見無路凝竚曾遊處但繫  
馬垂楊認郎鸚鵡揚州夢覺彩雲飛過何許多情  
須倩梁上燕問吟袖弓腰在否怎知道悞了人年  
少自恁虛度

清波引

予久客古沔滄浪之煙雨鸚鵡之草樹  
頭陀黃鶴之偉觀郎官大別之幽處無  
一日不在心目間勝友二三極意吟賞  
竭來湘浦歲晚淒然步繞園梅摘筆以

賦

冷雲迷浦倩誰喚玉妃起舞歲華如許野梅弄眉  
嫵屐齒印蒼蘚漸爲尋花來去自隨秋雁南來望  
江國渺何處新詩漫與好風景長是暗度故人  
知否抱幽恨難語何時共漁艇莫負滄浪煙雨况  
有清夜啼猿怨人良苦

法曲獻仙音

張彥功官舍在鐵冶嶺上即昔之教坊  
使宅高齋下瞰湖山光景竒絕予數過  
之爲賦此

虛閣籠寒小簾通月暮色偏憐高處樹萬離宮水  
平馳道湖山盡入尊俎奈楚客淹留久砧聲帶愁  
去 屢回顧過秋風未成歸計誰念我重見冷楓  
紅舞喚起淡粧人問逋仙今在何許象筆鸞牋甚  
而今不道秀句怕平生幽恨化作沙邊煙雨

琵琶仙

吳都賦云戶藏烟浦家具畫船唯吳興  
爲然春遊之盛西湖未能過也已酉歲

予與蕭時父載酒南郭感遇成歌

雙槳來時有人似舊曲桃根桃葉歌扇輕約飛花  
蛾眉正竒絕春漸遠汀洲自綠更添了幾聲啼鴉  
十里揚州三生杜牧前事休說 又還昇官燭分  
煙奈愁裏匆匆換時節多把一襟芳思與空階榆  
莢千萬縷藏鴉細柳爲玉樽起舞回雪想見西出  
陽關故人初別

玲瓏四犯

越中歲暮聞簫鼓感懷

疊鼓夜寒垂燈春淺匆匆時事如許倦遊歡意少  
俯仰悲今古江淹又嗟恨賦記當時送君南浦萬

里乾坤百年身世唯有此情苦 揚州柳垂官路  
有輕盈換馬端正窺戶酒醒明月下夢逐潮聲去  
文章信美知何用謾贏得天涯羈旅教說與春來  
要尋花伴侶

側犯

詠芍藥

恨春易去甚春却向揚州住微雨正繭栗梢頭弄  
詩句紅橋二十四總是行雲處無語漸半脫宮衣  
笑相顧 金壺細葉千朶圍歌舞誰念我髮成絲  
來此共尊俎後日西園綠陰無數寂寞劉郎自修  
花譜

水龍吟

黃慶長夜汎鑑湖有懷歸之曲課子和之

夜深客子移舟處兩兩沙禽驚起紅衣入檝青燈  
搖浪微涼意思把酒臨風不思歸去有如此水况  
茂陵遊倦長干望久芳心事簫聲裡 屈指歸期  
尚未鵲南飛有人應喜畫闌桂子留香小待提攜  
影底我已情多十年幽夢略曾如此甚謝郎也恨  
飄零解道月明千里

探春慢

予自孩幼從先人宦于古沔女須因嫁

焉中去復來幾二十年豈惟姊弟之愛  
沔之父老兒女子亦莫不予愛也丙午  
冬千巖老人約予過苕雪歲晚乘濤載  
雪而下顧念依依殆不能去作此曲別  
鄭次臯辛克清姚剛中諸君

衰艸愁烟亂鴉送日風沙回旋平野拂雪金鞭欺  
寒茸帽還記章臺走馬誰念漂零久謾贏得幽懷  
難寫故人清沔相逢小窗閑共情話長恨離多  
會少重訪問竹西珠淚盈把雁磧波平漁汀人散  
老去不堪遊冶無奈苕溪月又喚我扁舟東下甚  
日歸來梅花零落春夜

八歸

湘中送胡德華

芳蓮墜粉踈桐吹綠庭院暗雨乍歇無端抱影銷  
魂處還見篠牆螢暗蘚階蝨切送客重尋西去路  
問水面琵琶誰撥最可惜一片江山總付與啼鴉  
長恨相從未款而今何事又對西風離別渚寒  
煙淡棹移人遠縹緲行舟如葉想文君望久倚竹  
愁生步羅襪歸來後翠尊雙飲下了珠簾玲瓏閑  
看月

解連環

玉鞭重倚却沉吟未上又縈離思爲大喬能撥春

風小喬妙移箏雁啼秋水柳怯雲鬆更何必十分  
梳洗道郎攜羽扇那日萬簾半面曾記 西窗夜  
涼雨霽歎幽歡未足何事輕棄問後約空指薔薇  
算如此溪山甚時重至水驛燈昏又見在曲屏近  
庀念惟有夜來皓月照伊自睡

喜遷鶯慢

功父新第落成

玉珂朱組又占了道人林下真趣牕戶新成青紅  
猶潤雙燕爲君胥宇秦淮貴人宅第問誰記六朝  
歌舞總付與在柳橋花館玲瓏深處 居士閒記  
取高卧未成且種松千樹覓句堂深寫經牕靜他

日任聽風雨列仙更教誰做一院雙成儔侶世間  
住且休將雞犬雲中飛去

摸魚兒

辛亥秋期予寓合肥小雨初霽偃卧窗  
下心事悠然起與趙君猷露坐月飲戲  
吟此曲蓋欲一洗鈿合金釵之塵他日  
野處見之甚爲予擊節也

向秋來漸疎班扇雨聲時過金井堂虛已放新涼  
入湘竹最宜欹枕閒記省又還是斜河舊約今再  
整天風夜冷自織錦人歸乘槎客去此意有誰領  
空贏得今古三星炯炯銀波相望千頃柳州老



白石道人歌曲卷四  
矣猶兒戲瓜果爲伊三請雲路迴謾說道年年野  
鵲曾並影無人與問但濁酒相呼踈簾自捲微月  
照清飲

白石道人歌曲卷第四

白石道人歌曲卷第五

番易姜 夔堯章著 後學張應時松華重校

白製曲

揚州慢 中呂宮

淳熙丙申至日余過維揚夜雪初霽  
麥彌望入其城則四顧蕭條寒水自碧  
暮色漸起戍角悲吟予懷愴然感慨今  
昔因自度此曲千巖老人以爲有黍離  
之悲也

久川フ人久川ウ久一人川一么少人フ人么ム

淮左名都竹西佳處解鞍少駐初程過春風十里  
盡薺麥青青自胡馬窺江去後廢池喬木猶厭言  
兵漸黃昏清角吹寒都在江城 杜郎俊賞算而  
今重到須驚縱豈寇詞工青樓夢好難賦深情二  
十四橋仍在波心蕩冷月無聲念橋邊紅藥年年  
知爲誰生

長亭怨慢 中呂宮

予頗喜自製曲初率意爲長短句然後  
協以律故前後闕多不同相大司馬云  
昔年種柳依依漢南今看搖落悽愴江  
潭樹猶如此人何以堪此語予深愛之  
漸吹盡枝頭香絮是處人家綠深門戶遠浦縈回  
暮帆零亂向何許閱人多矣誰得似長亭樹樹若  
有情時不會得青青如此 日暮望高城不見只

見亂山無數韋郎去也怎忘得玉環分付第一是  
且早歸來怕紅萼無人爲主算空有并刀難剪離  
愁千縷

可么の

淡黃柳 正平調近

客居合肥南城赤欄橋之西巷陌淒涼  
與江左異唯柳色夾道依依可憐因度  
此關以紓客懷

フ人么子リク么一マ多一男久あ幻可ム下幻

空城曉角吹入垂楊陌馬上單衣寒惻惻看盡鷺  
黃嫩綠都是江南舊相識 正岑寂明朝又寒食  
強攜酒小喬宅怕梨花落盡成秋色燕燕飛來問  
春何在唯有池塘自碧

石湖仙 越調

壽石湖居士

松江煙浦是千古三高游衍佳處須信石湖仙似





簟枕邀涼琴書換日睡餘無力細灑冰泉并刀破  
么子介行了分夕人つめえ引今夕了人么人リ  
甘碧墻頭喚酒誰問訊城南詩客岑寂高樹晚蟬  
め久リ夕めろろ介夕あ夕マ人のめ久リ夕め  
說西風消息 虹梁水陌魚浪吹香紅衣半狼籍  
つ人一多つリ了么了人リ夕久あ久め久リ夕  
維舟試望故國眇天北可惜柳邊沙外不共美人  
多介么人リ么了人么人あ久め  
遊歷問甚時同賦三十六陂秋色

角招 黃鍾角

甲寅春予與俞商卿燕遊西湖觀梅於

孤山之西邨玉雪照映吸香薄人已而  
商卿歸吳興予獨來則山橫春煙新柳  
被水遊人容與飛花中悵然有懷作此  
寄之商卿善歌聲稍以儒雅緣飾予每  
自度曲吟洞簫商卿輒歌而和之極有  
山林縹緲之思今予離憂商卿一行作  
吏殆無復此樂矣

了人了久リつムマム一リ可ム一マム一一  
爲春瘦何堪更繞西湖盡是垂柳自看煙外岫記  
人久リつ人外つ夕ヶ介了ム一リつ夕レ一ム  
得與君湖上攜手君歸未久早亂落香紅千畝一

マ一マムラ子リクウクフ人レラリウ  
葉凌波縹緲過三十六離宮遣遊人回首 猶有  
ム一个フクリフムマム一リウム一マム一  
畫船障袖青樓倚扇相映人爭秀翠翹光欲溜愛  
人久リフ人刈フろ个个ヲム一リフウレ一ム  
着宮黃而今時候傷春似舊蕩一點春心如酒寫  
マ一マムラ子リクウクフ人レラリウ  
入吳絲自奏問誰識曲中心花前友

徵招

越中山水幽遠予數上下西興錢清間  
襟抱清曠越人善爲舟卷蓬方底舟師

行哥徐徐曳之如偃卧榻上無動搖突  
兀勢以故得盡情騁望予欲家焉而未  
得作徵招以寄興徵招角招者政和間  
大晟府嘗製數十曲音節駁矣予嘗攷  
唐田畸聲律要訣云徵與二變之調咸  
非流美故自古少徵調曲也徵爲去母  
調如黃鍾之徵以黃鍾爲母不用黃鍾  
乃諧故隨唐舊譜不用母聲琴家無媒  
調商調之類皆徵也亦皆具母絃而不  
用其說詳於予所作琴書然黃鍾以林  
鍾爲徵住聲於林鍾若不用黃鍾聲便

自成林鍾宮矣故大晟府徵調兼母聲  
一句似黃鍾均一句似林鍾均所以當  
時有落韻之語予嘗使人吹而聽之寄  
君聲於臣民事物之中清者高而亢濁  
者下而遺萬寶常所謂宮離而不附者  
是已因再三推尋唐譜并琴弦法而得  
其意黃鍾徵雖不用母聲亦不可多用  
變徵蕤賓變宮應鍾聲若不用黃鍾而  
用蕤賓應鍾即是林鍾宮矣餘十一均  
徵調倣此其法可謂善矣然無清聲只  
可施之琴瑟難入燕樂故燕樂闕徵調

不必補可也此一曲乃予昔所製因舊  
曲正宮齊天樂慢前兩拍是徵調故足  
成之雖兼用母聲較大晟曲爲無病矣  
此曲依晉史名曰黃鍾下徵調角招曰  
黃鍾清角調

久リウラ一マムフレ一人フ分フク少クフ人  
潮回却過西陵浦扁舟僅容居士去得幾何時黍  
シウリウム一マムラ人フリリ人レリ人フリ  
離離如此客途今倦矣慢贏得一襟詩思記憶江  
フクレ一ム一分フ分 フ分フリフ少マムフ  
南落帆沙際此行還是 迤邐剡中山重相見依



白石道人歌曲卷第五  
計  
依故人情味似怨不來遊擁愁鬢十二一丘聊復  
爾也孤負幼輿高志水蒨晚漠漠搖煙奈未成歸

白石道人歌曲卷第五

白石道人歌曲卷第六

番易姜 夔堯章著 後學張應時松華重校

自製曲

秋霄吟 越調

古簾空墜月皎坐久西窗人悄蛩吟苦漸漏水丁  
久收久少多收フムム一人フ收フ人多分フマ  
丁箭壺催曉引涼颼動翠葆露脚斜飛雲表因嗟  
念似去國情懷暮帆煙草 帶眼銷磨爲近日愁

多頓老衛娘何在宋玉歸來兩地暗縈繞搖落江  
楓早嫩約無憑幽夢又杳但盈盈淚灑單衣今夕  
何夕恨未了

淒涼犯

合肥巷陌皆種柳秋風夕起騷騷然予  
客居闔戶時聞馬嘶出城四顧則荒烟  
野艸不勝淒黯乃著此解琴有淒涼調  
假以為名凡曲言犯者謂以宮犯商商

犯宮之類如道調宮上字住雙調亦上  
字住所住字同故道調曲中犯雙調或  
於夔調曲中犯道調其他準此唐人樂  
書云犯有正旁偏側宮犯宮為正宮犯  
商為旁宮犯角為偏宮犯羽為側此說  
非也十二宮所住字各不同不容相犯  
十二宮特可犯商角羽耳予歸行都以  
此曲示國工田正德使以啞鳳粟角吹  
之其韻極美亦曰瑞鶴仙影

綠楊巷陌秋風起邊城一片離索馬嘶漸遠人歸

么フ水々ア久アウウウウ人フ久么一么ウ一久  
甚處成樓吹角情懷正惡更衰艸寒烟淡薄似當  
人ヲ人么フムヲウウウウウ 多ウ人フムア人么  
時將軍部曲迤邐度沙漠 追念西湖上小舫攜  
マウウウウウウウウウウウウウウウウウウウ  
歌晚花行樂舊遊在否想如今翠凋紅落漫寫羊  
ウ人フム么一么ウ一久人ヲ人么フムウウウ  
裙等新雁來時繫着怕匆匆不肯寄與悞後約

翠樓吟 霍調

淳熙丙午冬武昌安遠樓成與劉去非  
諸友落之度曲見志予去武昌十年故

人有泊舟鸚鵡洲者聞小姬歌此詞問  
之頗能道其事還吳爲予言之興懷昔  
游且傷今之離索也

六リフ人么マム人么マウ么人ウフムマ  
月冷龍沙塵清虎落今年漢酺初賜新翻胡部曲  
フウ久フフウウウウウウウウウウウウウ  
聽氈幕元戎歌吹層樓高峙看檻曲縈紅簷牙飛  
么ウフ今久人么マウウウウウ 人ウフ久リフ  
翠人姝麗粉香吹下夜寒風細 此地宜有詞仙  
フム人么ウウウウウウウウウウウウウウウ  
擁素雲黃鶴與君遊戲玉梯凝望久歎芳艸淒淒

多分多乃弓久フムマ人約マム少ム少フ今久  
千里天涯情味仗酒祓清愁花消英氣西山外晚  
人么マ少多人多  
來還捲一簾秋霽

湘月

長溪楊聲伯典長沙檝櫂居瀕湘江鹵  
間所見如燕公郭熙圖畫卧起幽適丙  
午七月既望聲伯約予與趙景魯景望  
蕭和父裕父時父恭父大舟浮湘放乎  
中流山水空寒煙月交映淒然其爲秋  
也坐客皆小冠練服或彈琴或浩歌或

自酌或援筆搜句予度此曲即念奴嬌  
之葛指聲之於雙調中吹之葛指亦謂  
之過腔見晁無咎集凡能吹竹者便能  
過腔也

五湖舊約問經年底事長負清景暝入西山漸喚  
我一葉夷猶乘興倦網多收歸禽時度月上汀洲  
冷中流容與畫橈不點清鏡 誰解喚起湘靈烟  
髮霧鬢理哀弦鴻陣玉塵談玄歎坐客多少風流  
名勝暗柳蕭蕭飛星冉冉夜久知秋信鱸魚應好  
舊家樂事誰省

白石道人歌曲卷第六

嘉泰壬辰至日刻于東巖之讀書堂雲間  
錢希武

白石道人歌詞

— 番易姜 夔堯章著 後學張應時松華重校

別集

小重山令

趙郎中謁告迎侍太夫人將來都下予  
喜爲作此曲

寒食飛紅滿帝城  
慈烏相對立柳青青  
玉堦端笏  
細陳情  
天恩許春盡可還京  
鵲報倚門人安輿  
扶上了更親擎  
看花攜樂緩行程  
爭迎處堂下拜  
公卿

念奴嬌

毀舍後作

昔遊未遠記湘臯聞瑟澧浦捐襟因覓孤山林處  
十來踏梅根殘雪獠女供花傖兒行酒卧看青門  
轍一丘吾老可憐情事空切 曾見海作桑田仙  
人雲表笑汝真癡絕說與依依王謝燕應有涼風  
時節越只青山吳惟芳艸萬古皆沉滅繞枝三匝  
白頭歌盡明月

卜算子

吏部梅花八詠夔次韻

江左詠梅人夢繞青青路因向凌風臺下看心事

還將與 憶別庾郎時又過林逋處萬古西湖寂  
寞春惆悵誰能賦

月上海雲沈鷗去吳波迴行過西泠有一枝竹暗  
人家靜 又見水沉亭舉目悲風景花下鋪氈把  
一盃緩飲春風影

西泠橋在孤山之西水沈亭在孤山之  
北亭廢

蘚幹石斜妨玉蕊松低覆日暮冥冥一見來略比  
年時瘦 涼觀酒初醒竹閣吟纔就猶恨幽香作  
許慳小遲春心透

涼觀在孤山之麓南北梅最奇竹閣在

涼觀西今廢

家在馬城西曾賦梅屏雪梅雪相兼不見花月影  
玲瓏徹前度帶愁看一餉和愁折若使逋仙及  
見之定自成愁絕

馬城在都城西北梅屏甚見珍愛

摘蕊暝禽飛倚樹懸冰落下竺橋邊淺立時香已  
漂流却空逕晚煙平古寺春寒惡老子尋花第  
一番常恐吳兒覺

下竺寺前礪石上風景最妙

綠萼更橫枝多少梅花樣惆悵西村一塢春開過  
無人賞細草藉金輿歲歲長吟想枝上么禽一

兩聲猶似宮娥唱

綠萼橫枝皆梅別種凡二十許名一

在孤山後梅皆阜陵時所種

象筆帶香題龍笛吟春咽楊柳嬌癡未覺愁花管  
人離別路出古昌源石瘦冰霜潔拆得青鬚碧  
蘚花持向人間說

越之昌源古梅妙天下

御苑接湖波松下春風細雲綠莪莪玉萬枝別有  
仙風味長信昨來看憶共東皇醉此樹婆娑一  
惘然苔蘚生春意

聚景官梅皆植之高松之下庇蔭歲久

萼盡綠夔昨歲觀梅於彼所聞於園官  
者如此末章及之

洞仙歌

黃木香贈辛稼軒

花中慣識壓架玲瓏雪可見細枝間琅葉恨春風  
將了染額人歸留得箇裊裊垂香帶月 我鷺兒真  
似酒我愛幽芳還比酴醾又嬌絕自種古松根待  
看黃龍亂飛上蒼髯更老仙添與筆端春敢  
喚起桃花問誰優劣

驀山溪

詠柳

青青官柳飛過雙雙燕樓上對春寒捲珠簾偶然  
一見如今春去香絮亂因風霑徑草惹墻花一一  
教誰管 陽關去也方表人腸斷幾度拂行軒念  
衣冠尊前易散翠眉織錦紅葉浪題詩烟渡口水  
亭邊長是心先亂

永遇樂

次韻辛克清先生

我與先生夙期已久人間無此不學楊郎南山種  
豆十一徵微利雲霄直上諸公衮衮乃作道邊苦  
李五千言老來受用肯教造物兒戲 東岡記得  
同來胥宇歲月幾何難計柳老悲栢松高對阮未



辦爲隣地長干白下青樓朱閣往往夢中槐蟻卻  
不如窪尊放滿老夫未醉

虞美人

括蒼烟雨樓石湖居士所造也風景似  
越之蓬萊閣而山勢環繞峰嶺高秀過  
之觀居士題顏且歌其所作夔亦作一  
解

闌干表立蒼龍背三面攬天翠東遊纔上小蓬萊  
不見此樓烟雨未應回而今指點來時路却是  
冥濛處老仙鶴馭幾時歸未必山川城郭是耶非  
永遇樂

次韻稼軒北固樓

雲萬迷樓苔封狠石人向何處數騎秋烟一篙寒  
汐千古空來去使君心在蒼厓綠嶂苦被北門留  
住有尊中酒差可飲大旗盡繡熊虎前身諸葛  
來遊此地數語便酬三顧樓外冥冥江臯隱隱認  
得征西路中原生聚神京耆老南望清淮金鼓問  
當時依依種柳至今在否

水調歌頭

富覽亭永嘉作

日落愛山紫沙漲省潮回平生夢猶不到一葉眇  
西來欲訊桑田成海人世了無知者魚鳥兩相推

天外玉笙杳子晉只空臺 倚闌干二三子總仙  
才爾歌遠遊章句雲氣入吾杯不問王郎五馬頗  
憶謝生雙屐處處長青苔東望赤城近吾興亦悠  
哉

漢宮春

次韻稼軒

雲曰歸歟縱垂天曳曳終反衡廬揚州十年一夢  
俯仰差殊秦碑越殿悔舊遊作計全疎分付與高  
懷老尹管弦絲竹寧無 知公愛山入剡若南尋  
李白問訊何如年年鴈飛波上愁亦關予臨臯領  
客向月邊攜酒攜鱸今但借秋風一榻公歌我亦

能書

又

次韻稼軒蓬萊閣

一顧傾吳苧蘿人不見烟杳重湖當時事如對弈  
此亦天乎大夫仙去笑人間千古須臾有倦客扁  
舟夜泛猶疑水鳥相呼 秦山對樓自綠怕越王  
故壘時下樵蘇只今倚闌一笑然則非與小叢解  
唱倩松風爲我吹竽更坐待千巖月落城頭眇眇  
啼鳥

白石道人歌詞別集

白石道人歌詞別集



